



**Francisci Monacelli Eugubini J. U. D. Protonotarii
Apostolici, olim Ecclesiae Venusinae, ac deinde Aesinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad
Officium Judicis nobile, continentur ; Opus Episcopis, Vicariis Generalibus,
Aliisque Iurisdictionem quasi Episcopalem exercentibus: necnon
Confessariis, Parochis, Cancellariis, cæterisque in dicto Foro versantibus,
apprimè utile ...

Monacellus, Franciscus

Venetiis, 1706

Edicti concursus Parochiali vacantis in mense Apostolico Formula XII.

[urn:nbn:de:hbz:466:1-62406](https://nbn-resolving.org/urn:nbn:de:hbz:466:1-62406)

lat Episcopus, vel ipsi tanquam tales se subscripsissent examini: Unde qui impugnat concursus validitatem, quia negat in Examinatoribus hanc qualitatem, negativam probare tenetur, ex quo semper præsumitur pro actus validitate, ut in terminis probant Lotter. *de re Benefic. lib. 2.* *quæst. 31. num. 89. & 90. Barbof. supra Concil. num. 102. quos sequitur Ventrigil. loc. cit. num. 45. & etiam quia negativa formæ, seu qualitatis, semper sit probanda ab allegante, juxta doctrinam Glof. in cap. Accusator 6. quæst. 5. Ciarlin. contr. 213. num. 32.*

Edicti prorogationis concursus.

F O R M U L A X I.

N. Episcopus N. sive Vicarius Generalis.

VAcante Animarum Cura Parochialis Ecclesiæ N. loci N. nostræ Diœcesis per obitum N. ultimi illius Possessoris, qui ut Altissimo placuit die . . . se ab humanis separavit, Nos de idoneo Successore dictæ Ecclesiæ, & Curæ ad formam Concil. Trid. providere cupientes, die . . . currentis mensis pro concursu habendo Edictum cum termino decem dierum ad comparandum, nomina, & cognomina danda, expediri mandavimus. Nunc verò, ut omnes majorem notitiam habeant, dictum terminum ad alios decem dies proximos ab hodiè incipien. & ut sequitur finien. prorogamus, itaut à die primi Edicti viginti dies tantum numerentur ad formam Constitutionis B. Pii V. in conferendis. Ideò harum ferie & tenore omnes, & singulos sese examini subicere cupientes pro dicto concursu, requirimus, convocamus, & monemus, ut in termino sic prorogato coram Nobis in hac Civitate N. compareant in Actis nostræ Curæ, & sese ascribant, & adnotari faciant, quia termino elapso concurrentium examen coram Nobis, & Examinatoribus Synodalibus die . . . habebitur, digniorique Cura conferetur. Datum, &c.

N. Episcopus, sive Vicarius Generalis N.

Loco ✠ Sigilli.

N. Cancellarius Episcopalis.

Edicti concursus Parochialis vacantis in Mense Apostolico.

F O R M U L A XII.

N. Episcopus N. sive, &c.

VAcante Animarum Cura Parochialis Ecclesiæ N. loci N. nostræ Diœcesis per obitum N. illius ultimi Possessoris, qui diem suum clausit extremum de mense N. reservato Sedi Apostolicæ: Volentes, & cupientes Nos, ut de idoneo Successore Cura, & Ecclesia prædicta ad formam Sac. Concil. Trident. & Bullæ B. Pii V. provideatur, præsens Edictum expediri, & ad valvas Ecclesiæ Parochialis vacantis, & Cathedralis affigi, & publicari mandavimus, cujus vigore omnes,

omnes, & singulos ad Curam prædictam sic ut supra vacantem concurrere desiderantes, convocamus, requirimus, & monemus, ut in termino decem dierum à die affixionis præsentis computandorum coram Nobis in hac Civitate N. compareant, dent sua nomina, & cognomina, & sese ab infrascripto nostro Cancellario inter concurrentes adscribi, & adnotari procurent: Nam dicto termino elapso, die concursus adnotatorum coram Nobis, & Examinatoribus Synodalibus habebitur, & Nos ex approbatis, & idoneis magis idoneum per litteras testimoniales ad Datarium Sanctissimi D.N. Papæ, ad quem collatio pertinet, referemus. Datum, &c.

N. Episcopus N. sivè Vicarius Generalis.

Loco ✠ Sigilli.

N. Cancellarius Episcopalis.

Edicti concursus Parochialis, cujus collatio pertinet ad inferiorem.

FORMULA XIII.

SUMMARIUM.

1 Edicta concursus Parochialis vacantis, cujus collatio pertinet ad infe-

riorem Prælatum, publicat Episcopus Diœcesanus, vel vicinior, si est nullus, & ex approbatis eligit digniorem.

2 Episcopus intra quatuor menses, personam electam Prælato inferiori significat.

Prælatum inferior non potest alteri, quam prædicto ab Episcopo conferre, ibid.

N. Episcopus N. sivè, &c.

Vacante Animarum Cura Parochialis Ecclesiæ N. loci N. per obitum N. illius ultimi Possessoris, qui diem suum clausit extremum die . . . mensis . . . cujus collatio ad N. Abbatem N. ut asseritur pertinet. Nos volentes, & cupientes, ut de idoneo Successore Cura, & Ecclesia prædicta ad formam Sac. Concil. Trid. & Bullæ B. Pii V. provideatur, *has Edictales litteras* expediri, & ad valvas Ecclesiæ Parochialis vacantis, & Cathedralis affigi, & publicari iussimus, quarum serie omnes, & singulos ad Curam prædictam sic ut supra vacantem concurrere cupientes, convocamus, requirimus, & monemus, ut in termino decem dierum à die affixionis præsentium computandorum coram Nobis in hac Civitate N. compareant, dent sua nomina, & cognomina, & sese ab infrascripto nostro Cancellario inter concurrentes adscribi, & adnotari procurent: Nam dicto termino elapso, die . . . concursus adnotatorum coram Nobis, & Examinatoribus Synodalibus habebitur, & Nos ex ab eisdem approbatis, & idoneis magis idoneum per Nos electum pro collatione ad eundem Abbatem N. *tempore debito* mittemus. Datum, &c.

N. Episcopus, N. (sivè Vicarius Generalis)

Loco ✠ Sigilli.

N. Cancellarius Episcopalis.

AD-